

Christliken Bote.

Etlke wenn se van der Dödinge reden/so men
nen se allene dat flesch ym thome tho holdende/ wel
cker mër ys/ein werck eines nyen leuendes/Vor welt
ckerem wercke syn moth de Dödinge des flesches/
Dat ys denn nicht anders/denn warhafftige ruwe.

Item etlke reden also/Me moth sich erkennen /
dat de ganze natur böss sy 2c. Solcke wort/ wenn
de de lüde dencken/so menen se/se erkennen sich/ vnd
de werden dar durch men freuelich.

Ydt ys öuerst vël ein ander dinct/Sich erkent
nen/vnde/dorch dat gesette kumpt erkentnisse der
sünde/Wente dat hett de sünde erkennen/ruwe vnd
de ledt darauer dregen/vnde van herten vorscre
cken vor dem torne vnde gericht Gades/Gelick als
se Dauid de sünde erkende/do de prophete Nathan
tho em quam / vnde en straffede/ym andern dele
Samuels am twölfften capittel. Wente Dauid
wuste thouörn ock wol/dat he gesündiget hadde/
Öuerst he hadde noch nêne ruwe/Darumme hadt
de he nêne rechte erkentnisse der sünde.

Ydt ys ock eine hoge rede/de de anuangelnden
leyen nicht vorstan/de natur erkennen / dat allent
wat an vns ys/sündlick sy. Wente ydt kumpt dar
nicht balde hen/dat ein mînsche vorscrecke vor alle
synen guden wercken/vnde wete dat he sündige ock
in guden wercken/Alse denn Salomo secht ym Pre
diger am söuenden capittel. Dar ys nêen mînsche
vp erden/de wat gudes do vnde sündige nicht.

Me schal de kînder leren an den bencken ghan/
Also schal me de Bote vnde Ruwe leren/an gra
uen sünden/de wy alle vorstan. Me straffe swel
gerye/vu